

卷九目次

蠱部

卵生八種

蜂蜜

一合黃白蠟

露蜂房

二

五倍子

三附百藥煎

桑螵蛸

四

白殭蠶

五合蚕脫原蚕蛾原蚕

斑蝥

六

螫

七

水蛭

八

化生五種

蟬蛻

一

蜚螋

二

螻蛄

三

麤蟲

四

蜚蠊

五

濕生二種

蟾蜍一

蜈蚣二

龍類三種

龍骨

一合龍齒

鮫鯉甲

二

蛤蚧

三

蛇類三種

蛇蛻

一

蚺蛇膽

二

白花蛇

三

魚類五種

鯉魚

一

青魚膽

二

石首魚

三

合乾鯊

鯽魚

四

鱸魚

五

無鱗魚四種

蠡魚

一

鰻鱺

二

鱒魚

三

烏賊魚骨

四

介部

龜鱉類二種

龜甲

一

鱉甲

二

蚌蛤類七種

牡蠣

一

蚌粉

二

眞珠

三

石決明

四

蛤蜊

五

合蛤粉

瓦礫子

六

彙纂卷九

毘陵 顧元交 述

蟲部依舊本分卵化濕三類

蜂窠

卵之一
合黃白蠟

蜂采無毒之花釀以糞穢而成窠。所謂臭腐爲神奇也。又朝得露氣之清華。晝得太陽之和煦。故能補中。又能清熱。又能潤燥。又能解毒而止痛。施之。內外虛實。諸病。罔不相宜。

蜜蠟者。蜜之凝結於底者也。莫甘於蜜。莫淡於蠟。蜜性緩質柔。故主潤臟腑。蠟性齋質堅。故能療久痢。洩瀉後重下膿血也。若火熱暴痢者。不宜遽用。

蜂性寒。蜜之性溫。又蜜生涼而熟溫。或清或補。分別爲用。又諸蜜氣味。當以花爲主。冬夏爲上。秋次之。春則易酸。閩廣蜜極熱。以南方少霜雪。諸花多熟也。川蜜溫。西蜜則涼矣。近世宣州有黃連蜜。色黃味小苦。主日熱。雍洛間有梨花蜜。白如凝脂。亳州太清宮有檜花蜜。色小赤。柘城縣有何首烏蜜。

色更赤。並蜂採其花。作之各隨花性之溫涼也。

醫家宜用白蠟。蠟固蜜底。取蜜後煉過。濾入水中。候凝取之。色黃者名黃蠟。煎煉極淨。色白者爲白蠟。若以黃蠟焯內水中十餘遍。亦能令白。與今時所用蟲造白蠟不同。

蟲造白蠟。今人爲澆燭之用。其蟲大如蟻。虱生蠟樹上。芒種後。延緣樹枝。食汁吐涎。粘於嫩莖。化爲白脂。處暑後。人剝取。煉淨成塊。其色雪白。若蜜蠟之白。蠟不過白色。勝於黃蠟耳。

露蜂房 卵之二

露蜂房陽明藥也。故以治婦人乳病。其外科齒科多用之。亦皆取其以毒攻毒散邪殺蟲之功耳。

入藥宜草蜂房大如拳者。山蜂房大有一二丈圍樹上。重重如樓臺。有厚毒。服食塗抹皆非所宜。

五倍子

卵之三
附百藥煎

五倍子乃鹽膚木之上。有小蟲如蟻食其汁。老則遺種。結小毬於葉間者。鹽膚子及葉皆酸。鹽寒涼。能除痰飲咳嗽。生津止渴。解熱毒。酒毒。治喉痺下血。血痢。

諸病故五倍子所主治與之同功其味酸鹹亦能斂肺止血化痰止渴收汗其氣寒亦能散熱毒瘡腫其性收亦能除泄痢氣脫也蓋凡黃昏咳嗽者乃火氣浮入肺中不宜用涼藥宜五倍五味斂而降之

百藥煎功與五倍子同但經釀造其體輕虛其性浮收且味帶餘甘治上焦心肺咳嗽痰飲熱渴諸症合礬爲宜

膚木子曝乾染家用之故五倍子造爲百藥煎以染皂色

自汗盜汗以五倍子研末津唾調填臍中縛定一夜卽止亦治小兒夜啼

小兒下血腸風臟毒五倍子末煉蜜丸小豆大每米飲服二十丸

脫肛不收用五倍子百草霜等分爲末醋熬成膏鷲翎掃傳之卽入

桑螵蛸 卵之四

桑螵蛸稟秋金之陰氣走腎利膀胱其能事也以其輕飄如絹故謂之螵蛸乃螳螂乳子作房粘着枝上

考獨取桑螵蛸以其兼得桑皮之津氣耳

桑螵蛸散治男子房勞小便日數十次如爛米甘
心神恍惚瘦瘵食減此方能安神魂定心志治健
忘補心氣止小便數川桑螵蛸遠志龍骨菖蒲人
參茯神當歸龜甲各如法製各一兩爲末臥時人
參湯調下二錢如無桑上者卽用他樹者以炙桑
白皮佐之桑白皮行木以接螵蛸就腎經也
村人每用桑螵蛸炙焦飼小兒云止夜尿

白蠶蠶

卵之五

合蠶蛻雄原蠶蛾原蠶沙

僵蠶蠶之病風者治風化痰散結行經所謂因其
相感而以意使之者也其氣味輕薄而升故能去皮
膚諸風之如蟲行者凡咽喉腫痛及喉痺用此下咽
立愈又取其清化之氣從治相火散濁逆結滯之痰
也然其性辛溫能散惟祛有餘之客邪今世治小兒
驚風不問虛實一概混施者非也

蠶退卽如蟬蛻蛇蛻之類因其本質以爲用蠶退得
蠶氣之餘故能入血治風近世以之療痘疹去目翳
其義猶蟬蛻也

原蠶茅二蠶也。用二蠶蛾取其敏于生育也。蠶蛾性淫出蘭卽媾。至於枯槁乃已。故強陰益精者用雄原蠶蛾。然觀其後來枯槁之狀人亦如是。可爲惕然。蠶沙亦須用原蠶者。蠶屬火性燥燥能勝濕去風。故其沙主療風濕之病。

蠶蟲屬陽喜燥惡濕食而不飲。故殭蠶又兼能燥濕也。殭則其色白白其長而直者爲雄。

蠶蛻今人多用初出蠶子殼在紙上者。古方惟用老蠶眠起所退皮。功用相近。當以蛻皮爲正。入藥。

微炒用

痔漏下血以蠶退紙半張。碗內燒灰酒服自除。
蠶沙酒用蠶沙炒黃。袋盛浸酒去風。緩諸節皮膚。
頑痺手足不遂等證。若因血虛不能榮養經絡而。
無風濕外邪侵犯者。又非蠶沙所能愈。

周禮禁原蠶爲其妨馬。養蠶多卽馬不蕃息。龍馬。
同氣。蠶亦其餘氣也。今以殭蠶末塗馬齒。卽不能。
食。以桑葉拭去。乃還食。豈非蠶馬同類歟。蠶之屬。
火爲陽明矣。

斑蝥 卵之六

斑蝥人獲得之。尾後惡氣射出。臭不可聞。故其入藥亦專主走下竅。直至精溺之處。蝕下敗物也。惟療癰癩犬咬二症。或可暫施。餘證必不可餌戒之。

治療癰。用肥皂二筋。去核。每莢入斑蝥四枚。線縛蒸取出去斑蝥。并肥皂皮筋。得淨肉十兩。入貝母二兩。括樓根。玄參。甘草。薄荷。葉各一兩。五錢。共末以肥皂搗如泥。丸梧子大。每服一錢。白湯吞服。後腹疼勿慮。此藥力追毒之故。蓋療癰之毒。莫不有

根大抵以斑蝥地膽爲主。制度如法能使其根從小便中出。或如紛片。或如血塊。或如爛皮。皆其驗也。但毒之行。小便必澀痛。不可當以木通滑石燈心輩導之。

治癩犬咬方。斑蝥七箇。去頭足翅。酒洗和濕糯米。銅杓內炒米熟爲度。隨將二物研成細末。加六一散三兩。分作七服。每清晨一服。白湯調下。本人頭頂心必有紅髮。二三莖。要不時尋覓摘去。

斑蝥乃大豆葉上甲蟲也。長五六分。黃黑斑文。烏

腹尖喙蓋一物而四季各異春食芫花爲芫青夏食葛花爲亭長秋食豆花爲斑蝥冬入地中爲地膽四蟲色亦不同芫青色青故名青娘子以配紅娘子葛上亭長黑身赤頭如亭長之着玄衣赤幘也地膽其色如膽芫青功同斑蝥今醫家多用斑蝥芫青而稀用亭長地膽也

蝥 卵之七

蝥乃治風之藥諸風掉眩屬於肝木風客是經非辛溫走散之性則不能祛風逐邪兼引諸風藥入達病

所談大人真中風小兒急驚風皆須用之。

螫蠶尾蟲也。古語云蜂蠶垂芒其毒在尾。今入藥有全用者。有用尾者。謂之螫。稱其力尤緊。

水蛭 卵之八

水蛭生於溪澗陰濕之處。其味鹹苦。鹹走血。苦泄結。故能入肝經血分以除蓄血也。其用與蟲蟲相似。故仲景方中往往與之並施。

收乾蟬當展其身令長。腹中有子者去之。性最難死。雖以火炙亦如魚子。煙熏經年得水尤活也。

水蛭蝨蟲皆破逐瘀血血瘀發病之惡藥而水蛭入腹蝦之若尚存性尚能變爲水蛭嚙人腸臟非細故也破瘀消血之藥儘多正足選用奚必用此難制之物戒之可也

右卵類八種

蟬蛻 化之一

蟬乃土木餘氣所化吸風飲露其味甘寒其氣清虛故其主療皆一切風熱之證古人用蛻蓋凡風熱之在皮膚者當用蟬蛻也其鳴清響能發音聲又主小

兒夜啼者。取其晝鳴而夜息也。其性善脫。能去翳。故云。蟬性蛻而退翳。蛇性竄而祛風。因其質而爲用也。又主婦人生子不下。總皆取其蛻脫之義。

蠶食而不飲。蟬飲而不食。飲者。飲風露也。觀其不糞而溺。可見矣。

治小兒夜啼。用蟬蛻四十九枚。去前截。用後半截。爲末。分四服。釣藤湯調灌之。或用薄荷湯入酒少許。調亦可。有不信者。將上半截爲末。煎湯調下。卽復啼也。豈蟬以翅鳴。而翅在上半截之故耶。

蟬花散治肝經蘊熱風毒之氣內搏上攻眼目赤腫翳膜疼痛昏濇內外障翳咸治之用蟬脫殼精草刺蒺藜甘菊花防風草決明蜜蒙花甘草羌活黃芩蔓荊子川芎木賊草荊芥等分爲末每茶清調食二錢食後臨臥各一服

蜣螂 化之二

蜣螂稟陰濕之氣氣味鹹寒故所主手足陽明足厥陰邪熱之症古方治小兒驚癇蜣螂爲第一今人以治一切痔瘻及疔腫疽瘡出箭鏃之用

蜚蠊之智在於轉丸。以土包糞。轉而成丸。雄曳。推置於坎中。覆之而去。數日有小蜚蠊出。蓋孚乳於中也。俗呼推車客。其狀深目高鼻。有類羌胡。故名蜚蠊。

其類有三四種。以大而鼻頭扁者爲真。此物有毒。外用易於臻功。若內服。大不宜於虛人也。

痔漏出水。以蜚蠊一枚入米片少許。爲細末。紙摺蘸末入孔內。漸漸生肉。藥自退出。卽愈。又方一切漏瘡。以蜚蠊燒末醋和敷。

螻蛄 化之三

螻蛄治水之蟲也。今方家治水腫石淋小便秘等症。以之導水。然自腰以前甚澀。能止大小便。腰以後甚利。能下大小便。亦如蟬之下半截方止。兒啼一體而異用也。

螻蛄穴土而居。短翅四足。雄者善鳴而飛。雌者腹大羽小。不善飛翔。吸風食土。善就燈光。入藥宜用。雄者。或云火燒地赤。置螻於上。任其跳死。覆者雄。仰者雌。

小便不通用。蠖二枚。取下體。以水一升。漬飲。須臾。卽通。或用焙研調服。或生研俱可。或加車前草。同搗汁服。或用後截和麝納臍中。縛定卽通。

廣蟲 化之四

廣蟲有破堅下血之功。故留血積聚。用之神效。若無瘀血停留者。不宜用也。此物以刀斷之。復能湊接行走。凡治跌撲傷損者。用之以續筋骨。

蜚蠊 化之五

蜚蠊卽方家所用蜚蠊。噉牛馬血者。善飲血。而卽用。

以治血。故主積聚癥瘕。一切血結爲病。其功大略似
虻蟲。而此則更以苦勝。苦能泄結也。

右化生類五種

蟾蜍 濕之一

蟾蜍稟土金之氣。上應月魄。性亦靈異。味辛氣寒。主
散熱解毒。療小兒勞瘦疳疾最良。且辛能發汗。能使
邪氣散而不留。治廣瘡有金蟾脫甲酒。卽此一物也。
其眉酥爲發背疔瘡之要藥。外用之能拔能攻。內用
之能發能解。但其性有毒。不宜多用。卽入發汗散毒。

藥中服者尤不可多。

其肪塗玉則刻之如蠟。近世治小兒疳疾多用之。以其走陽明而能消積滯也。

蟾蜍蝥蟁功用雖不甚遠。實二物也。古人多用蟾蜍。今人亦只用蟾蜍甚效。而蝥蟁不復入藥。蓋蟾蜍在人家下濕處。形大背多癍。蝥蟁行極遲緩。不能跳躍。亦不解鳴。蝥蟁多在陂澤間。形小皮上多黑斑點。能跳接百蟲。舉動極急。以此辨之。

其青蠹亦能解熱毒。利水氣。但係熱化之物。其骨

性復熱而今人每同辛辣及脂油煎炙抱薪救火安能有益。

蝦蟆青蛙之子是名蝌斗二三月蛙蟆曳腸於水際草上纏繳如索目見黑點漸至春水發時則鳴以聒之。蝌斗皆出謂之聒子。所謂鬻慕聲抱是矣。

蜈蚣 濕之二

蜈蚣有毒惟風氣暴烈者可以當之。蓋行而疾者唯風與蛇蜈蚣能制蛇故亦能截風。所主皆厥陰經病。淮南子云騰蛇游霧而殆於螂蛆。卽此義也。但貴藥。

病相當設或過劑以蚯蚓桑皮解之。

足赤腹黃者入藥。足黃者不堪用。頭上有白肉面并嘴尖者誤用之。則殺人。製法以木末於土器中炒令木末焦黑。以竹刀去足甲用。今人惟以火炙頭足或去尾足。

蜈蚣能制龍蛇。而反畏蛞蝓蜘蛛。所謂禽之制在氣也。

右濕生類二種

鱗部依舊本分龍蛇魚無鱗魚四類

龍骨

龍之一合齒

龍者神靈之物屬東方木內應乎肝心藏神肝藏魂神魂不安則或爲驚癇或爲恚怒或爲夢寐遺洩用龍骨以鎮伏神魂則驚氣自寧魂返乎肝則恚怒亦消矣其止夢寐遺洩者不但斂其神魂而澀能收脫并可固其精氣也且骨屬腎故又能益腎久癩膿血及女子漏下者用之亦俱取其收澀之義

齒者骨之餘其功用宜相似但龍骨兼入心腎及腸胃故兼有止瀉瀦精之用龍齒單入肝心惟鎮驚安

魂魄而已。

龍呵氣成雲。既能變水。又能變火。龍火得濕則熄。得水則燔。以人火逐之。卽息。故人之相火似之。

取脊腦骨。白地錦文。舐之着舌者良。黑色者不用。又骨細文廣者是雌。骨粗文狹者是雄。多生晉地。川谷及太山巖水岸土穴中。或龍處。或云春水至時。魚登龍門。蛻骨甚多人採爲藥。有五色者。龍門在晉地。與本經合。豈龍骨卽此魚骨乎。

製法。酒浸一宿。焙乾。研粉。水飛三度。用如急用。以

酒煮焙乾今人但煨赤爲粉亦有生用者

鮫鯉甲 龍之二

鮫鯉甲穴山而居。寓水而食。出陰入陽。能竄經絡。達於病所。但其性專行散。中病卽止。不可過服。

凡油籠滲漏。剝穿山甲裏面肉。屬投入。自能至漏處。補塞。又此物不可於隄岸上殺之。恐血入土。則隄岸滲漏。觀此二說是山可使穿。隄可使漏。而又能至滲處。其性之走竄可知矣。尾甲力更勝。

凡風濕冷痺之證。因水濕所致。渾身上下強直不

能屈伸。痛不可忍者。於五積散加穿山甲七片。看
病在左右手足。或臂脅疼痛處。卽於鱖鯉身上取
甲炮熟。同全蝎炒十一枚。葱姜同水煎。入無灰酒
一匙服。取汗避風。

蛤蚧 龍之三

蛤蚧屬陰。能補水之上源。故爲肺腎之聖藥。凡勞熱
咳嗽諸藥不效者。用之有神功。其治消渴及淋瀝。或
水道不通者。肺朝百脉。通調水道。下輸膀胱。肺氣清
則諸症自愈也。

試法口含少許奔走不喘息者爲真故爲定嚙要品。

廣西橫州甚多。牝牡上下相呼累日。情洽乃交。兩相抱負自墮於地。人往捕之。亦不知覺。以手分劈。雖死不開。乃用熟稿草細纏蒸過。曝乾售之。煉爲房中之藥。尋常捕者不論雌雄。但可爲雜藥用。雄爲蛤。皮粗口大身小尾粗。雌爲蚘。皮細口尖身大尾小。其毒在眼。須去眼及甲上尾上腹上肉毛。以酒浸透。隔兩重紙。緩焙令乾。以瓷器盛。懸屋東角。

上一夜用之。力可十倍。勿傷尾也。其功在尾。

久嗽不愈。肺積虛熱成癰。欬出膿血。曉夜不止。喉中氣塞。胸膈噎痛。用蛤蚧阿膠鹿角膠生犀角羚羊角各二錢半。用河水三升。銀石器內。文火熬至半升。濾汁。時時仰臥細啣。日一服。

右龍類三種

蛇蛻 蛇類之一

蛇蛻蛇之餘性猶存。不以氣味爲用者。其入藥有四義。一能辟惡。取其變化性靈也。故治邪僻鬼魅蠱虐。

諸疾一能去風取其屬巽性竄也故治驚癇癡駁喉
舌諸疾一能殺蟲故治惡瘡痔漏疥癬諸疾用其毒
也一有蛻義故治翳膜胎產皮膚諸疾會意而從類
也蓋蛇蛻從口退出眼睛亦退故今眼藥及去翳膜
多用之

凡用須擇白色如銀者若青黃蒼色者勿用

蝻蛇膽 蛇之二

蝻稟巳土之氣其膽受甲乙風木之化故其味苦中
有甘所主皆厥陰太陰之病能明目涼血除疔殺蟲

今世惟爲受杖人所需。他症稀使。蓋人受杖時。用此
噙化。可得不死。其功能護心止痛。使惡血不上。薄心
有神力也。

真膽絕難得。狹長通黑。皮膜極薄。舐之甜苦。別取
粟許。着淨水中。浮游水上。回旋行走者爲真。其徑
沉者非也。勿多着。亦令沉散。

雷州有養蛇戶。每端午日。卽昇蛇入官。取膽暴乾。
以充土貢。每先以軟草藉蛇於籃中。盤屈之。將取
則出於地上。用權枋十數。翻轉蛇腹。按定約分寸。

於腹間剖出肝膽。膽狀若鴨子。大取訖。內肝於腹。以線縫合。昇放之。他日再相值。則遠遠露腹瘡。以明無膽。或云肉極腴美。皮可冒鼓。及飭刀劔樂器。豈有取膽而復縱之。

白花蛇

蛇之三
附烏梢蛇

白花蛇多在石南藤上食其花葉。所以能透骨搜風。截驚定搐。爲風痺驚搐癩癬惡瘡要藥。取其內走膽腑外徹皮膚。無處不到也。

出蘄州者佳。龍頸虎口黑質白花。目開如生。尾

爪甲真蘄州也。蓋凡蛇死目皆閉。惟蘄州花蛇。開如生。舒蘄兩界者。則一開一閉。人以此驗之。又名塞鼻蛇。諸蛇鼻向下。獨此鼻向上。

頭尾各一尺。有大毒。不可用。只用中段乾者。以酒浸去皮骨。炙過收之。則不蛀。其骨刺須遠棄之。傷人毒與生者同也。或云黔蛇長大。故頭尾可去一尺。蘄蛇止可頭尾各去三寸。大蛇一條。只得淨肉四兩。

烏蛇卽烏梢蛇。氣味所主與白花蛇同。第性善無

毒耳色黑如漆尾細有劔脊者良。

凡一切蛇須辨雌雄方土。蘄州烏蛇頭上有逆毛二寸一路可長半分入藥如神。只重一兩以下得之甚難。蛇腹下有白帶子一條長一寸者雄也。宜入藥。

右蛇類三種

鯉魚 魚之一

鯉爲諸魚之長能飛越江湖亦神變之物也。又稟至陰之氣其脇鱗一道從首至尾無大小皆三十六鱗。

乃陰極陽復之象。故又曰魚熱中熱則生風。食之多發風熱。蓋諸魚在水無一息之停。皆能動風動火。不獨鯉也。鯉爲陰中之陽。其功長於利小便。能消腫脹。黃疸脚氣喘嗽濕熱之病。作鱸尤溫。能去痰結冷氣之疾。燒之則從火化。能發散風寒。平肺通乳。解腸胃及腫毒之邪。河澗云。鯉之治水。因其氣以相感者是矣。膽走厥陰。亦主明目。及目熱赤痛青盲之症。鱗主入血散滯。故婦人產後腹痛及血氣不和者用之。

水腫脹滿。用赤尾鯉魚一觔。破開不見水及鹽。以

生礬五錢研末入腹內火紙包裹再以黃土泥包
竈內煨熟取出去紙泥送粥食頭者上消食身尾
者下消一日用盡屢驗

睛上生暈不問久新用鯉魚長一尺二寸者取膽
滴銅鏡上陰乾竹刀刮下每點少許

青魚膽 魚之二

青魚青屬東方膽又與膽同屬故青魚膽治目疾尤
勝於諸膽其治喉蛾骨鯁則取漏泄係乎酸苦之義

石首魚

魚之三
合鮓鮓

石首魚產於海海水土氣混濁土能養胃故有開胃益氣之功乾鯊其性疎利能入腸胃寬中消食止痢蓋凡泄痢腹痛與腸胃諸疾最忌油膩魚腥惟白鯊不忌鯊飲鹹水而性平不熱且無脂膩既無熱中之患更有消食理脾實腸胃之益也頭中石堅重下走故主下石淋又石與石爲同類耳

石首魚出水能鳴夜視有光頭中有白石二枚至秋化爲冠鳧卽野鴨之有冠者腹中白鱈作膠亦能消痰解毒

鯽魚 魚類之四

鯽喜假泥。不食雜物。故能調胃實腸。與病無礙。但既爲常食之品。人所忽畧。其畏忌不可不知。與沙糖同食。則生疳蟲。與芥菜同食。則成腫疾。同猪肝雞肉雉肉鹿肉食。則生癰疽。同麥門冬食。害人。且鯽雖屬土。多食之亦能動火。

膈氣吐食。用大鯽去腸留鱗。切大蒜片填滿腹。紙包十重泥固。晒半乾。炭火煨熟。單取肉。用平胃散一兩。杵丸梧子大。密藏。每服三十丸。米飲下。

滌上便毒鯽魚一枚。山藥五錢。同搗敷卽消。

鱸魚

魚之五

鱸魚秋月方美。其得水中之清氣者乎。味甘淡氣平。雖有小毒。不至發病。乃與脾胃相宜之物。

右魚類五種

鱻魚

無鱗之一

鱻魚卽黑鱧。首有七星。夜朝北斗。稟北方玄水之精。得中央陰土之氣。乃益脾除水之要藥也。凡治浮腫之藥。或專於利水。或專於補脾。其性各自爲用。惟鱻

魚色黑象水能從其類以導橫流之勢味甘土化能補其不足以遂敦阜之性補瀉兼施故主下大水及濕痺面目浮腫有神效。

喉痺將死者以鱻魚膽點入少許卽差病深者水調灌之諸魚膽皆苦惟此膽甘可食爲異。

鰻鱺魚 無鱗之二

鰻鱺所主諸病其功專在殺蟲去風耳與蛇同類故主治近之凡骨蒸勞瘵及五痔瘰癧人常食之有大益。

腹下有黑斑背上有白點者毒甚不可食重三四
觔及水行昂頭者不可食妊婦不宜食鰻脾胃薄
弱易泄者勿食

鱣魚血 無鱗之三

鱣氣味甘溫能補中益血又能通經脉而療風邪其
血同麝香治口眼喎斜者以鱣善穿穴無尾而竄與
蛇同性故走經脉能療口喎耳聾諸竅之病風中血
脉則口眼喎斜用血主之從其類也

鱣性熱而補時行病後食之多復黑者有毒

烏賊魚骨 無鱗之四

烏賊魚骨。卽海鰾。鮓味鹹。走血入厥陰肝經。凡血枯血瘕。經閉帶下。痢并疾厥陰本病也。寒熱瘧疾。聾癩少腹痛。陰痛。厥陰經病也。目翳流淚。厥陰竅病也。故烏賊骨皆能治之。其條析具在本草。但氣溫不宜於血熱。若外用則總無礙。

沙魚骨。形相似。但以上文順者真。橫者卽僞。

小兒臍瘡出血。及膿烏。鱗骨乾。麝脂爲末。油調搽之。

右無鱗魚四種

介部依舊本分龜蟹蚌蛤二類

龜甲 龜蟹之一

龜爲陰中之至陰。其底甲又屬純陰。氣味厚濁。專入腎臟。方家用入補心藥。蓋以心藏神。而龜性有神。借其氣以相通。且得水火既濟之義。實非補心之正藥也。其主咽痛。口燥乾咳。喘嗽勞熱。骨蒸及產婦陰脫發躁者。皆由腎虛相火無依。此非氣柔貞靜者不能息其炎上之火。所謂靜能制動。誠爲至理。其主潮熱。

盜汗遺精腰痛腿酸癱瘓拘攣久瘥血枯小兒顛顛不合者皆由真臟衰致元陰不生非此味厚純陰者不能補其不足之陰所云寒養腎精職是義耳。

甲蟲三百六十而神龜爲之長。龜形象離其神在坎上降而文以法天下平而理以法地背陰向陽蛇頭龍頸外骨內肉腸屬於首能運任脈廣肩大腰卵生思抱其息以耳雌雄尾交亦與蛇匹或云大腰無雄者謬也。今人視其底甲以辨雌雄。

敗龜版者乃經灼過之龜版若謂自死枯敗之龜。

不惟甲已枯槁而病龜自死之甲反爲有損。

龜性神靈能變化凡入藥勿令中濕中濕則遂其變化之性而成癥瘕於腹中且用宜研之極細不爾留滯腸胃亦能變瘕。

龜鱉二甲主用略同二者咸至陰之物但鱉甲走肝益腎以除熱龜甲通心入腎以滋陰第鱉甲無毒可多用龜甲則未免有毒。

凡難產三五日不下垂危及短小女子交骨不開者用乾龜殼一箇酥炙頭髮一握燒灰川芎當歸

各一兩爲末和勻每服七錢水煎服如人行五里
許再一服生胎死胎俱下

腫毒初起敗龜版燒研酒服四錢婦人乳毒亦同

鱉甲 龜鱉之二

鱉色青入肝故所主者瘧勞寒熱痞癰驚癇經水癰
腫陰瘡皆厥陰血分之病也其甲用七肋九肋者取
陰中之陽也凡陰虛水衰之人爲暑所中邪入陰分
故出併於陽而熱甚入并於陰而寒甚元氣虛羸則
邪陷而中焦不治甚則結爲瘧母鱉甲益陰除熱而

消散故爲治瘡之要藥。其勞熱在骨及血。痲腰痛小兒脇下堅。皆陰分血病。宜其悉主之矣。

龜甲裏肉。鱉肉裏甲。鱉無耳。以目爲聽。入藥宜生。取甲剔去肉。今皆用煮熟者。非法也。鱉肉性冷發水病。凡冷勞氣。癥瘕人不宜食。食之者和以椒姜。熱物太多。失其本性耳。性本不熱也。其膽味辣。破入湯中。可代姜椒辟腥氣。

右龜鱉類二種

牡蠣 蚌蛤之一

牡蠣入足少陰爲奠堅之劑。以柴胡引之。能去脇下硬。以茶引之。能消項上結核。以大黃引之。能消股間腫。以地黃爲使。能益精收澁止小便。今人每以之合龍骨治夢遺滑精。亦有腎虛無火寒精自出者。不可不辨。

蛤蚌之屬。皆有胎生卵生。獨此係鹹水結成。附石而生。塊礪相連。塊然不動。陰陽之道。何從而生。故總名牡蠣。別無牝蠣也。

蚌粉 蚌蛤之二

蚌粉與海蛤粉同功。皆水產也。治病之要。只在清熱行濕而已。

雀入大水爲蜃。蜃卽蚌也。老蚌含珠。殼堪爲粉。蚌長而蛤圓。

痰飲咳嗽。用真蚌粉新瓦炒紅。入青黛少許。每用淡蘆水滴麻油數點調服。

癰疽赤腫者。用米醋和蚌蛤灰塗。乾卽易之。或加米片。

真珠 蚌蛤之三

眞珠味甘微鹹。氣寒無毒。入手少陰足厥陰二經。心虛有熱則神氣飛越。肝虛有熱則目生翳障。膜除二經之熱故能鎮心去目中翳障也。耳聾本屬腎虛。以其有熱故亦主之。諸濕腫滿本屬脾土。以其脾虛有熱故亦用眞珠之甘以益脾。寒以除熱。質堅能磨積滯。滯耳。

珠稟太陰之精氣而結。中秋無月則蚌無胎。其體光明其性堅硬。大小無定。要以新完未經鑽綴者爲上。

石決明

蚌蛤之四

石決明乃是厥陰經藥能入血除熱故目疾外他用甚稀小兒疳積亦用之以其爲肝經病也。

石決明殼名千里光附石生惟一片無對乘其不意卽易得之否則緊粘難脫入藥用七孔九孔者故又名九孔螺宜以東流水入鹽煮一伏時研末水飛用今人多煨研者非法。

蛤蜊

蚌蛤之五
合蛤粉

蛤蜊稟水中之陰其性滋潤而助津液故有止渴開

胃之能其主婦人血塊及老癖爲寒熱者以鹹能入血而軟堅也。殼煨成粉爲諸痰證之要藥。蓋痰未有不由火氣炎上煎熬津液而成。鹹能軟堅潤下。得之則火自降。痰結自消。疝氣自瀉。帶下皆腎經爲病。鹹爲水化氣類相從。故能入腎以除其所苦。其主心痛者。心虛而熱邪客之則痛。五臟皆欲補瀉云。心欲軟。急食鹹以軟之。此之謂也。

蛤粉須用紫口者。

白濁遺精無非陽盛陰虛所致。宜真珠粉丸。用蛤

粉一筋。黃栢蜜炙。一筋爲末。水跌丸。梧子大。每服百丸。空心溫酒下。日二次。蓋蛤粉味鹹而能補腎。陰黃栢苦而降心火。堅腎故也。

瓦礫子 蚌蛤之六

瓦礫子卽蚌殼也。鹹走血而爽堅。故能消血塊而散痰積。其肉味甘氣溫。故并能益氣補中。安五臟而健胃氣。

田廡 蚌蛤之七

田廡俗稱田螺。其汁大寒。寒能除熱。故解一切有餘。

之熱

治噤口痢以活大田螺二枚搗爛入麝香二分作餅煨熱貼臍間半日熱氣下行卽思食矣

治小便不通腹脹如鼓者用田螺一枚鹽半七生搗傅臍下一寸三分卽通

右蚌蛤類七種